

Pelajar 3

LATAR BELAKANG: JAKU PEMUKA

“Ba pun iya kelia, Jaku endang udah bisi. Jaku nya enggau Allah Taala, lalu Jaku nya endang Allah Taala” (John 1:1).

John nadai madah ngagai kitai utai ke nyadi ba pengada Jesus. Iya semuti madah ngagai kitai Jesus ke ngarung diri ba isi mensia. Sebedeau nya iya madah ngagai kitai pengidup Jesus ke dulu ke disebut iya “Logos” (Jaku), Penengkebang.

Ba pemuka injil John, kitai meda Jesus nya meh Petara ke penuh enggau mensia ke penuh. Iya meh Allah Taala ke ngayanka diri ba tubuh mensia. Penampak tuchi ke bepanchar ba dunya ti petang tu.

Sekeda orang nerima penampak tu lalu sekeda enda. Diatu, penampak tu agi mengkang bepanchar ba dunya. Ka nuan nerima penampak tu? Kati ka nuan magi mulia Jesus tu ngagai orang bukai?

A Pengidup Jesus ti Petara (John 1:1-5).

“Ba pun iya kelia, Jaku endang udah bisi. Jaku nya enggau Allah Taala, lalu Jaku nya endang Allah Taala” (*John 1:1*).

- ❖ John berengkah enggau nyebut 4 bengkah pelasar pemendar pasal Jaku Tuhan enggau Jesus (*John 1:1-3*):
 - Pengidup sebedeau Iya datai (“ba pun iya kelia”).
 - Kaul Iya ti rapit enggau Apai (“enggau Allah Taala”),
 - Iya ti Allah Taala (“jaku nya endang Allah Taala”).
 - Kuasa Iya nengkebang (“semua utai digaga ulih Iya”).
- ❖ Bida ba dua iti jaku tu endang terang amat. Iya enggau Allah Taala tauka Iya endang Allah Taala?
- ❖ Aram kitai meratika tusun jaku tu ba Grika:
 - “Jaku kereja enggau $\tau\omicron\nu\ \theta\epsilon\omicron\nu$ (Allah Taala).” Jaku nya nerangka orang nya ke disebut Allah Taala. Jesus nya enggau Allah Taala Apai.
 - “ $\theta\epsilon\omicron\nu$ (Allah Taala) Jaku nya.” Ditu nyebut pasal pengidup Jesus ke Allah Taala. Iya meh Allah Taala. Baka nya mega disebut, “jaku nya nyadi $\sigma\alpha\rho\varsigma$ (mensia)” (*John 1:14*). Lalu tu nerangka pengidup Iya ti mensia.

B Pengidup Jesus ti mensia (John 1:14).

“Jaku nya nyadi mensia, lalu diau begulai enggau kitai” (*John 1:14*).

- ❖ Siti agi jaku Grika ke patut dikingatka kita, ke dikena John ba jaku pemuka Iya: $\lambda\omicron\gamma\omicron\varsigma$. Reti nya “Jaku.” Jesus meh Jaku. Jaku ke bakani tu?
- ❖ Pemuka jaku tu empu udah mai runding kitai ngagai jaku ti berubah ba Pemungkal: “Ba pun iya kelia lebu Allah Taala berengka ngaga” (*P-kal 1:1*). Bakani Tuhan ngaga utai? Ngena jaku Iya (*P-kal 1:3,6, ...*).
- ❖ Penyanggup Baru suah amat madahka Jesus meh penengkebang semua utai ke bisi. Iya meh Jaku ke ngaga utai ba serata langit (*John 1:3; Kol. 1:16; Heb. 1:2*).
- ❖ Dalam Penyanggup Lama, Penengkebang madahka pengeran ati Iya deka begulai enggau kitai (*P-sut 25:8*). Diatu, Penengkebang nya enggau tubuh Iya Empu ngamatka pekara nya. Iya diau ba antara kitai (belangkau enggau kitai).
- ❖ Allah Taala ke pemadu bekuasa, ninggalka serega lalu nyadi orang ke nadai daya. Nama kebuah? Laban Iya balat rinduka orang ke nadai daya (kitai) lalu deka ngelepaska kitai ari dosa, lalu meri kitai pengadang ulih diau ba tisi Iya.

C Jesus ke diterima tauka ditulak (John 1:9-13).

“Iya datai ngagai menua Iya Empu, tang bansa Iya Empu enda nerima Iya. Tang semua orang ke nerima Iya, ke arapka nama Iya, diberi Iya kuasa nyadi anak Allah Taala” (*John 1:11-12*).

- ❖ Keterubah iya kelia dunya dikelingi enggau pemetang (*P-kal 1:2*). Uдах nya Allah Taala ari jaku iya meri penerang ngagai dunya, nyerara penampak ari pemetang (*P-kal 1:3-4*).
- ❖ Allah Taala Empu nengah Jesus (Jaku), datai ke dunya ti dikelingi enggau pemetang, lalu nerangka iya ngena penampak iya Empu (*John 1:4-5*).
- ❖ Dunya ke digaga iya enda ngelala iya, enda mega sida deka ke penerang ke datai ari iya (*John 1:9-11*).
- ❖ Berita manah ianya, semua ke nerima iya, semua kitai ti arapka iya sehari tu, iya deka meri kitai pemerit ti manah: kita deka nyadi anak indu enggau anak lelaki Petara (*John 1: 12*).
- ❖ Taja pia, nadai semua nulak penampak. Sekeda ari bala sida deka nerima lalu nyambut iya nyadi ke Penyelamat.
- ❖ “Laban semua orang ke ngereja penyai begedika penampak, lalu enggai datai ngagai penampak, enggai ke pengawa sida ti jai diayanka. Tang orang ke ngereja utai ti bendar, datai ngagai penampak, ngambika pengawa ti dikereja sida nyata nitihka peneka Allah Taala” (*John 3:20-21*).
- ❖ Dalam injil John, mensia ke dibagi ngagai dua raban terang amat dipeda: Sida ke nerima enggau sida ti nulak.
 - Sida ti nerima:
 - (1) Sida enda diukum (*John 3:18*).
 - (2) Sida datai ngagai penampak (*John 3:21*).
 - (3) Pengawa sida nitihka peneka Tuhan (*John 3:21*).
 - (4) Sida ulih meda (*John 9:39*).
 - (5) Enda diau dalam pemetang lalu nyadi anak penampak (*John 12:36, 46*).
 - Sida ti nulak:
 - (1) Sida diukum (*John 3:18*).
 - (2) Enda datai ngagai penampak (*John 3:20*).
 - (3) Sida enggai dirara ari pengawa ti salah (*John 3:20*).
 - (4) Sida buta (*John 9:39*).
 - (5) Sida deka diakim kategal nulak (*John 12:48*).

D Mulia Jesus (John 1:14).

“Lalu kami udah meda mulia iya, mulia iya ke nyadi Anak Tunggal Apai, ke penuh laban pengasih enggau pemendar” (*John 1:14*).

- ❖ Nama mulia Jesus?
 - Keterubah, mulia ke dias aika iya lebuл begulai enggau Apai sebedau ke nyadi mensia, enggau ke ulih lepas iya niki baru ke serega (*John 17:5*).
 - Kedua, mulia lebuл ke nyadi mensia. Mulia ke enda nerima puji ari mensia lebuл nya, tang nerima puji ari serega (*John 1:14*).
 - Ketiga, mulia ba atas regang. Jesus nerima mulia ke pemadu besai ba atas regang, laban pengerindu iya ke utai ke udah digaga iya dipandang enggau chara ti enda ulih disangkal (*John 12:23-24*).
- ❖ Ba atas regang, Jesus dikemuliaka Apai, lalu Apai dikemuliaka ulih Jesus (*John 17:1*). Semua raban Petara sama bisi bagi magang ba penebus ti besai unguкup mensia (*John 3:16*).

“Bup Kudus bisi bejakuka pengidup Kristus ti mensia lebuл agi ba dunya tu kelia, lalu Bup Kudus mega bisi bejaku enggau terang pasal pengidup iya sebedau datai ke dunya tu. Jaku tu meh Tuhan Empu, ke endang udah bisi lalu iya meh Anak Allah Taala ti meruan, ke siku enggau Apai. [...]

Jesus Kristus, Tuhan ke lalu nyadi Anak Petara, iya endang udah bisi kenяau ari belama ia kelia, orang ti bebida tang siku enggau Apai. Di serega iya ngembuan mulia ti ngelui ari orang bukai. Iya meh kepala orang ke pandai di serega, lalu nerima basa ari bala melikat. [...]

Batang pemendar ti madahka Kristus siku enggau Apai endang udah bisi sebedau pelasar dunya nyadi.”